



Vita de ploania y de paisc

- **Envit ales funziuns de ma:** jöbia ales 19:30 te **dlijia** (tuta fora la jöbia dles crusc), vigne sera ales 19:45 te capela a **Longega**, dedolönesc ales 20:00 te capela a **Miscí**.
- **Le grup dla Caritas** dla ploania d'La Pli met da jí l'iniziativa "**Stöa**", sté adöm, s'la cunté zonza se sté ert, na bela cartada, en bun tê – dit en cört: ester atló önn por l'ater. An s'encunta **vigne sabeda dales 15:00 ales 17:00** te calogna (1 alzada). Enformaziuns plü avisa pón damané a Markus Fischnaller, ☎ 333 3795633. Le grup dij ince bel **iolan dl'oferta** de 211,50 € co jüda ete le de d'enformaziun ai 19 de merz); 100,00 € é gnüs dés ennant desco spenora por "La grana".
- **Le KVV d'La Pli** envieia al referat "**Le cör, en organ de morveia**" en lönesc ai **8 de ma** ales 20:00 te Ciasa dles Uniuns. Referent è le cardiologh **Dr. Felix Pescoller** co cuntará dal cör desco organ, söa funziun, les arteries coronares, le bot al cör ... Atenziun particolara ti gnará dé ala prevenziun. Düc é bel enviés.

1 Enformaziuns y termins

KVV Senioreclub: en dededolönesc ai 2 de ma piunse ia con le bus dal Cone demez ales 9:00 por ji en pelegrinje a Milland, dlijia de Sant öjöp Freinadamez olache al sará na santa messa abelida dal cor dai seniors. Dedö junse con le Bus sö Viuns y danló a pé por i pres dai lens da pom co floresc cina al Flötscherhof olache al sará la marena. Preitambel se prenoté pa Lidia, ☎ 339 7899107.

La Uniun Ei Val Badia KMB envieia düc i ei y i jogn ala prozesciun con linternes o cianderes (da se tó do) **en sabeda ai 13 de ma, dales 21:00, da Porsenú a Neustift**. I piun ia dal Vinzentinum y jun a Neustift olach'al ganrá zelehré na messa con le vesco Ivo Muser. Al vá ia na coriera apostá che passa a Longega ales 19:30. I enteressés é periés da s'anunzié pa Leo Crepaz, ☎ 348 40 96 351 cina en dedolönesc, 10 de ma.

Presentaziun: en sabeda ai 6 de má ales 17:00 vegnel presenté tla biblioteca "Sas dla Crusc" a La lla 4 libri con stories di Fredesc Grimm, nasciüs dala traduziun de Gabriela Frontull, co á ince realisé les ilustraziuns. La presentaziun gnará fata da Giovanni Mischi y dedö él n intervent da pert de Carlo Suani. Bernardetta Nagler liará fora dal liber y la cornisc musicala gnará pitada da Hilda y Paul Schuen, desco ince da Katia Moling con la vidora. Ala fin picio renfresch por düc.

Ocio: l'apoteca d'Al Plan é slüta ai 2 y ai 3 de ma. Cina ai 18 de ma ésera ma daverta danmisdé.

Döt le bun a:	Ulrich Willeit, <i>La lla</i>	* 01.05.1948
	Jep Rindler	* 03.05.1938
	Anna Taibon Pedevilla	* 04.05.1932
	Frida Vitoria Erlacher Delpero, <i>Cles</i>	* 05.05.1948
	Peter Trebo, <i>Bornech</i>	* 06.05.1940
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Ploan: Signor Klaus Sottsas
 ✉ klsottsas@rolmail.net

Calogna Al Plan: ☎ 0474 501006
 Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

30.04.2023 - Cuarta domegna de Pasca

n. 23

lu sun le bun famei.

I conesci i mi, y i mi conesc mé. Alleluia

(aclamaziun dan le Vangelo)

☞ **St.Ap 2, 14a. 36–41 | 1 Pire 2, 20b–25 | Jan 10, 1–10**

Le tomp de Pasca ea da vedlamonter encá dediché a chi co ea gnüs bacés da püch, mo cösc val tal medemo tomp por düc nos ch'i sun bacés. Sce ara se trata por les porsones empormó baciades da se destaché dal comportamont dal tomp passé por roé ete tres deplü tal vire da cristian, nen vára por i bacés de düc i tomps da nia se lascé baié sö o se lascé storje a jí na strada falza da profec co röa vigne tant adalerch con dotrines nées, a chi che Gejú dij lotri y bandic". Gejú é y resta le „ bun famei" co nes arvenn sön la derta strada: el é la porta co goma y mena ala vita (Vangelo). San Pire ciara porchel da amoní dijenn: "Stravardesse da cösta generazion dezipada!" Y el ne bazilla nia a recordé a nos düc canc che vignönn co é cherdé ala vita cristiana pó ince, aldó de situaziuns, orei dí patí y tegní fora de vigne sort do l'ejempl che Gejú Crist nes á dé (1ª y 2ª letöra). da "Bibia di Sandis"

Dal Vangelo do San Jan:

Te chel tomp á Gejú dit: ¹Amen, amen, i ves diji: Chel co va te tamá nia da üsc ete, mo da n'atra pert ete, chel é n lere y n loter. ²Chel co va endere da üsc ete é le famei dles biesces. ³Le portiná ti daür y les biesces ascuta söa usc; al cherda les biesces co é söes, vignöna por so ennom y les condüj fora. ⁴Do ch'al á paré fora dötes söes biesces, ti val danfara, y les biesces ti vá do; deache ares conesc söa usc. ⁵A n forest ne ti jaráres nia do, mo ares sciampará da d'el, ciodiche ares ne conesc nia la usc dal forest. ⁶Gejú ti á cunté cösta parabola; mo ai ne capía nia le significat de ci ch'al ti á dit. ⁷Gejú ti á dit ennant: Amen, amen, i ves diji: lu sun l'üsc da i jí pormez ales biesces. ⁸Düc chi co é gnüs dan me ea leri y lotri; mo les biesces ne i á nia ascuté sö. ⁹lu sun l'üsc; chel co passa da me ete gnará salvé; al jará ete y fora y cíaforá pastöra. ¹⁰Le lere ven ma a d'arobé, a copé y a desfá; iu sun gnü, por che ares ái la vita y che ares l'ai en abundanza.



lu sun l'üsc;
chel co passa da me ete
gnará salvé;
Jan 10, 9

☞ **Letöres dla Quinta domegna de Pasca:**
St.Ap 6, 1–7 | 1 Pire 2, 4–9 | Jan 14, 1–12

Edema liturgica dai 30.04. ai 07.05.2023

DOM 30.	Cuarta domegna de Pasca De mondial d'oraziun por les vocaziuns religiozes	Hildegard, Bernhard
08:30	zelebrazium dla Parora de Dio con les mitans y i mituns co vá ala Pröma Santa Comegnun	oferta por la ploania
10:00	zelebrazium dla Parora de Dio a Al Plan	
Lön 01.	Sant Ojep laurant , Augustin, Arnold, Maximilian	
19:30	s.m. d'aniversar por † Berta Comploi, Framacia s.m. por † Martha Erlacher Feichter, Cargá s.m. por les Püres Armes	
Ded 02.	Atanase, Sigismund	
07:30	s.m. a Antermeia	
Dem 03.	fešta dai sanc apostui Filipo y Iaco , Alexander	
Jöb 04.	Florian (patron da Curt), Guido, Valeria - de d'oraziun do vocaziuns	
→ 19:30	corona por perié do vocaziuns y devoziun a Santa Maria	
Ven 05.	pröm vendres - Max, Angelo, Iuta, Sigrid	
07:20	s.m. a Al Plan signor ploan va a proveder	
Sab 06.	Antonia	
07:30	s.m. por la pêsc s.m. por † Jep Ellecosta, Taibun s.m. por † Anna Erardi ved. Zunino, Marô/Pietra Ligure	
18:00	s.m. prefestia a Al Plan	
DOM 07.	Cuinta domegna de Pasca	Gisela
→ 9:15	prozesciun a Curt, a Curt 2 vangeli y s.m. en onú de San Florian do int. dai Stödafüs d'La Pli y d'Al Plan s.m. por † Alma Obojes Willeit, Plazores s.m. por †† Vigile y Maria Comploi, Möra s.m. por † Monica Peslalz Rabbú, Tlea/Genova	♫ <i>Musiga d'La Pli</i>
ampola:	por la familia Gabriel y Lucia Mayr	
ministronc:	<ul style="list-style-type: none"> • lönesc y sabeda: Sandra y Isabel • domegna: Alex y Valentina, Roman y Lucia 	
i recordun:	Maria Trebo Wilhelm, Paisc Todesc Zezilia Frontull ved. Rungger, Al Plan Giuseppe Ploner, Chatillon	† 30.04.2015 † 30.04.2020 † 04.05.2019



Le Bun Famei: porta dal vita

I ponsun do:

I fajun düc l'esperionza de portes davertes y portes co romagn slütes; de portes co se daür da sores y de portes che nos enstesc tignun slütes. Nos san ince tan bun ch'al fej sc'i podun se daorí con zacai. A cöstes esperionzes fej Gejú riferimont tal Vangelo dal Bun Famei olach'al se prejentea enstes desco porta. En la "Domegna dal Bun Famei", desche la cuarta domegna de Pasca ven ince nominada, periunse con döta la Dlijia che Chel Bel Dio meni lauranti te söa vigna.

I periun:

Bel Dio, to Fi scinca vita y proteziun. Dái ince a nosc tomp porsones co porta ennant da bogn fameis l'opera de Gejú y ti daür ensciö a d'atri la porta ala vita. Por Gejú Crist, nosc Signur.

Vesco Wilhelm Egger
"Sonntagsbibel"

Le bun famëi

Bun Gejú, tö es por me le bun famëi, tö me condüjes sön pra bi da odëi, tö me mënes pro l'ega, te ciares de me y sc'i m' perdi vëgnest' a m' cherdé.

*T'es gnü a me chirí,
t'es gnü, te m'as ciagé,
t'es gnü y söl spiné a ciasa m'ast' porté.*

Tö s'insëgnes da sté adöm y da se gní y nosc vilin con düc partí; vigne biscia á lerch spo, anfat ci corú, insciö n'él nia un che resta su.

Ince iö ó ester tres n bun famëi, porchël adori to bun consëi. T'es te me y te dijës: „Ciara di tü, y conzedi da mët man danü.“

Veronica Rubatscher

I simboi cristiagn cuntés ai mituns (15)



La colomba

Canche Gejú é gnü bacé da Jan le Baciadú tal Iordan âl odü che „le ci s'á daurí y le Spirit Sant é gnü jö desco na colomba sön el“ (*Vangelo do San Merch 1,10*).

Porchel é la colomba cina aldedancö raprezentada sön la pera y la ciandera da Bato. Al é le segn plü emportant por le Spirit Sant. La colomba blancia é ince en simbol de pureza y pesc. La colomba é picera y inozonta, ara ne fej nia de mal. Gejú ti dij a sü amisc: Ciarede da ester „zonza marizia desco les colombes“ (*Vangelo do San Mateo 10,16*).

Al se dejidreia ch'i sunse porsones de pêsc, co veiga le bun te chi che ai encunta.

Dla colomba desco anuziadessa dla pesc cunta ince la storia dl'arca de Noé. Canche l'ega dla tempesta se tirá zoruch, â Noé lascé joré fora na colomba. Ara é gnüda zoruch con na rama d'orí tal bech, segn che Chel Bel Dio â fat pesc con la jont.